

[*en marge*] Oratorium sancti Bernardini de Lavatoggio

Die 25 iunii.

Praefatus dominus Ferrarius visitator qui supra (etc.) in loco Lavatoggii

Visitavit oratorium sub invocatione sancti Bernardini confessoris, in quo est erecta confraternitas sub titulo sanctae Crucis, cuius confratres vestiunt cappas albas et habent capitula approbata ab ordinario. Dicta societas [279v] non habet redditus certos, sed solas oblationes confratrum et eleemosynas piorum, quarum reddunt rationem massarii veteres coram prioribus et officialibus novis.

Altare est ad formam et quando in eo celebratur paramenta deferuntur ex parochiali, cui est coniunctum, immo per portam ex uno in alterum ingreditur. Conveniunt in eo tamen confratres ad recitandum officium beatissimae Virginis et faciendas consuetas processiones.

[*en marge*] Ecclesia campestris sancti Cerbonii

In dicto loco est ecclesia campestris, quae olim erat ecclesia parochialis et etiam nunc novi rectores in illa sumunt possessionem rectoriae. Ecclesia est sub titulo sancti Cerbonii confessoris, in qua celebratur tantum in die festivitatis vel ad instantiam alicuius devoti. Nihil in ea conservatur et solum ibi sepeliuntur pueri.

[*en marge*] Ecclesia proparochialis beatissimae Virginis de Consolatione de Lavatoggio

Deinde venit ad ecclesiam quae nunc inservit pro parochiali loci Lavatoggii [280r] et est sub titulo beatissimae Virginis de Consolatione. Fecit ibi absolutionem mortuorum et post visitatum et adoratum sanctissimum Eucharistiae sacramentum illud reposuit intra tabernaculum inferius ex ligno in sua pixide ex aere inaurato, quae etiam aptari potest in ostensorium, cum sua crystallo aliisque additamentis. Mandavit lunulam et patenulam argenteam inaurari.

Adest superius aliud tabernaculum ex ligno inaurato ad formam.

Vidit aliam pixidem parvulam ex argento inaurato, quae inservit pro deferendo sanctissimo viatico ad infirmos.

Unus ex tribus calicibus cum sua patena est execratus.

Sacristia est provisa ad sufficientiam. Umbella mandavit crucem in summitate apponi.

Visitavit fontem baptismalem habentem concam lapideam ad formam; intra illius ciborium

conservantur olea sancta in suis vasibus stamneis; [280v] sed quia vas pro oleo infirmorum est unitum cum aliis vasibus mandavit illud separari vel provideri de novo, et simul de bursa sericea violacei coloris cum suis cordulis similibus pro deferendo oleo sancto ad infirmos.

Vidit et aliud vas grande ex aere cum suo operculo simili et catenula ferrea, in quo sunt tria vasa stamnea formae grandioris quae inserviunt pro sumendis oleis sanctis in cathedrali Campilaurei, quae deinde admodum reverendus dominus vicarius foraneus plebaniae Aregni Balanae distribuit parochis omnibus dictae plebaniae, et vasa sunt facta sumptibus parochorum eiusdem plebaniae.

Visitavit deinde altare sub invocatione sanctae Ursulae virginis et martyris et sociarum eius; et quia altare remansit interdictum quia non fuit provisum de quodam pallio diversorum colorum et de candelabris, removit dictum interdictum et prorogavit [281r] tempus ad annum ad providendum de dicto pallio et mandavit sacrum lapidem aptari ad planitiem mensae. Altare est de iurepatronatus haeredum quondam Ioannis Brandi.

Visitavit postea aliud altare sub invocatione beatissimae Virginis de Consolatione, quod est decens, et fuit fundatum ex devotione populi. Manutentio ipsius altaris spectat ad populum, de quo eliguntur massarii, qui quaestuant eleemosynam olei pro lampade quae ardet ante altare maius et etiam alias eleemosynas ob providendum rebus necessariis ecclesiae, et ubi non suppetunt eleemosynae societatis Sanctissimi < Rosarii ?> pro emendis cereis solent supplere confratres sanctae Crucis.

Massarii praedicti in fine sui officii reddunt rationes coram admodum reverendo rectore.

Corpus ecclesiae est decens, et fenestris mandavit fieri fenestras lineas. Baldachinum quod est super altare maius, cum nimis tendat retro altare [281v] versus chorum, mandavit trahi ante, ita ut stet supra mensam altaris.

Sedibus confessionalibus mandavit apponi tabellas casuum bullae Caenae et reservatorum ordinario.

Sacrario quod est a latere dextero altaris maioris mandavit fieri suum ostiolum et clave claudi.

Item in pariete a dicto cornu dextero altaris maioris mandavit aperiri fenestellam intus panno violaceo ornatam, cum suo ostiolo et clave pro conservando oleo infirmorum.

Admodum reverendus dominus rector in praesenti est dominus Franciscus Antonius de Franceschinis loci Algaiolae, aetatis annorum 40 circiter, qui habet bullas expeditas in curia romana et de reddito libras ducentas octoginta circiter.

Animae huius parochiae sunt 295 et quae communicantur 220.

In confinibus Catari et Lavatoggi adest conventus reverendorum fratrum sancti Francisci, ubi sunt decem sacerdotes, duo clerici, duo laici et duo tertiarum.